

Santiago bideari buruzko liburua kaleratu du Iruñeko Udalak

IRUÑEA

Iruñeko Udaletxeak 'Heterodoxos en el camino de Santiago' liburua argitaratu du. Liburuak iazko martxoaren 11 eta 18 bitartean Iruñean gai honetaz egindako ihardunaldietako hitzaldi guztiak jasotzen ditu. Gonzalo Torrente Ballester, Vicente Cassanya, Juan García Atienza, Julio Paradejordi, Jose Maria Cirarda, Mario Satz, Fernando Sanchez Drago, Luis Miguel Martinez Otero, Jaime Cobreros Agirre, Tomas Gum i Enrich, Javier Ruiz Sierra, Juan Blazquez Miguel eta Jose Antonio Jauregiren testuak jasotzen ditu liburuak bere 203 orrialdeetan.

Arabako Diputazioak dirulaguntzen araudia finkatu du

GAZTEIZ

Arabako Diputazioak 1991n banatu beharreko kulturarako dirulaguntzak eskatzeko deialdiaren oinarriak onartu eta finkatu ditu. Guztira 63.500.000 pezetako (3.175.000 libera inguru) aurrekontua onartu da era guztietako ekintza kulturalak sustatu eta laguntzeko. Helburu kulturalak dituzten elkarte eta talde kultural publiko zein pribatuak izango dira laguntza hauek jaso ahal izango dituztenak.



Els Joglars taldeko kide bat eta Barakaldo antzokiko arduraduna atzoko prentsaurrekoan.

KEPA

Els Joglars talde katalana Barakaldon gaur eta bihar

Beren azken lana eskainiko dute: 'Columbia Lapsus'

Bihar eta etzi, 20'30etan, 'Columbi lapsus' izeneko bere azken obra eskainiko du Els Joglars talde katalanak Barakaldo antzokian. Atzo prentsaurrekoa eskaini zuten, Barakaldo antzokiko arduradunekin batera.

BARAKALDO

Albert Boadellak zuzentzen duen Els Joglars taldearen azken lana, aurreko bat baino gehiago bezala,

polemikoa gertatu da hainbat ikusle eta kritikarientzat, batez ere Vaticano kontuak agertzen dituelako. Marcinkus kasua, Juan Pablo Lehena heriotza, Vaticanoaren interes politikoak eta monarkiari buruzko zalantza dira obra honek azaltzen dituenak.

Juan Pablo Lehena gizon xehe eta argia da obra honetan, baina Boadellak esaten duen moduan «horrelako gizon batek boterea eskuratzeko batiere aukerarik ez duela erakusten du obra honek».

Estetika aldetik sinplea bada ere,

argiarekin eta soinuarekin joko handia eskaintzen du 'Columbia Lapsus' lanak, eta parte hartzen duten zortzi aktoreen lanaren aberasgarri gertatzen da joko hori.

Bestalde, obraren erritmoa musikak markatzen du hasieratik amaieraraino, Gioacchino Rosselliniren 'Il barbiere di Siviglia' operaren partituran oinarrituta.

Els Joglars taldea 1962an sortu zuten Albert Boadella, Carlota Soldevilla eta Anton Font-ek, eta bost urte geroago talde profesional bilakatu zen.

LABURREAN

BELDURREZKO

pelikula bat
errodutzen ari dira
Iruñean

Estudios Dena izeneko produktora, beldurrezko telesail bat errodutzen hasi zen herenegun Iruñean. Juan Osesen jatorrizko ideian oinarriturik, Luis Cortes-ek egin ditu hamahiru kapitulu izango dituen telesail honetako gidoiak. Zazpi milioi pezetako (350.000 libera) aurrekontua izango du kapitulu bakoitzak. Osasun aldetik arazorik ez badu, litekeena da Lola Gaos aktorea valenciarrek partehartzea lan honetan. ●

EGIPTOKO museoak itxita Golkoko gerra dela eta

Golkoko gerraren ondorioz sor daitezkeen arriskuak direla eta, Egiptoko agintariek, nazio honetako museoak eta ondasun artistikokoak erakusten dituzten guneak, ixteko erabakia hartu dute. Gisa-ko inguruak ere, Piramideak eta Esfingea dauden tokiak, itxi egingo dituzte, eta baita Sakara, Luxor eta Karnakeko gune arkeologiko ezagunak ere. Azken aldi honetan, Golkoko gerra dela eta, asko jaitsi da turismoa Egipton. ●

FELLINIK telebistarako lanak egingo ditu

Federico Fellini zine zuzendari italiarrak, ordubeteko iraupena izango duten lanak egingo ditu Italiako telebista estatutaren hirugarren katearentzat. 'Zuzendari baten apunteak' izenburu orokorra izango duten lan hauetan, «gogoetak jasoko ditut, balizko istorio zenbaiten apunteak», azaldu du Fellinik. ●

IRAGARKI MERKEAK

TEL.: (943) 42 69 96

H I K A ANTZERKIA

★ ETA OHEA EGIN GABE

★ TXAPLIN TROPELA

TEL.: (943) 43 00 10



EUSKARA IKASTAROAK
DONOSTIA: ALTZA euskaltegia. Txirrita Bertsol. 23. 39 43 75. MONPAS euskaltegia. San Franzisko 61. (Zemoria 5). 27 27 11. RIKARDO ARREGI. Sanchez Toca 1-1. 46 46 55. ERRETERIA: ORTZADAR euskaltegia. Beheko kalea 11. 52 66 57.

TEATRO PRINCIPAL-ANTZOKI ZAHARRA

GAUR OSTEGUNA Iluntzeko 9-etan



ALBERT PLA

KEPA JUNKERA



BI ESTILO ZEHARO DIFERENTE BATERA

KEPA JUNKERAREN TRIKIJAZZA

ALBERT PLAK CANÇO KATALANA INTERPRETATZEKO MODU BEREZIA

SARRERAK SALGAI

SARRERAK:

800 PTA.

500 PTA. (4 batera erosiaz)

300 PTA. (GAZTE TXARTELA)

GAZTERIA SAILA



Donostiako
Udala
Ayuntamiento
de San Sebastián

KULTUR UDAL PATRONATUA
PATRONATO MUNICIPAL
DE CULTURA

PASAIKO UDALA

ANTZERKIA PASAIAN

Pasaiako Udal honen, bihar ostirala, arratsaldeko 8etan, Trintxerpeko frontoian, BEDEREN 1 taldeak emango duen "JACQUES ETA NA-GUSIA" antzerkia erdaraz izango dela jakinarazten du, nahiz eta banatu diren txartelak, erdarazkoak ezean, euskarazkoak izan.

Pasaia, 1991ko urtarrilak 23